

# 教育廣播電臺「巷仔口的臺語」錄音文字稿集數別:11

呼應閩語典之俗語: 14 一句話三角六尖; 103 心歹無人知, 喙歹上厲害

錄音日期:

預計播放日期:

安住:各位聽眾朋友逐家好,我是安住老師,歡迎收聽教育廣播電臺「巷仔口的臺語」。

阿如:各位聽眾朋友逐家好,我是阿如。歡迎收聽「巷仔口的臺語」。安住老師,借問一下,咱臺灣俗語當中,有關「講話」這方面,咱祖先敢有啥物教示?

安住:阿如,人講:「其中必有緣故,機關藏佇倉庫」,我想你會按呢問,一定有發生啥物代誌,敢會當講來聽看覓咧?

阿如:安住老師,我感覺這馬『網路酸民』傷濟,針對社會發生的代誌,定定覷佇後壁,干焦會曉嫌東嫌西,共人批評甲無一塊著,攞袂曉共人呵咾、肯定,甚至有時間會講一寡有空無樺的話來共人鬪洗,一支喙敢若飯匙銑咧,講話有夠毒,予當事者造成誠大的傷害,實在有夠失德。

安住:喙會成人,嘛會傷人,俗語講得好:「心歹無人知,喙歹上厲害」,意思是講就算是一个心肝無好的人,只要伊無講出來,別人無一定會知影;毋過,若是講話無站節,烏白共人鬪洗,彼支喙就會成做傷人的武器,連鞭就會予人看破跤手,所以「心歹無人知,喙歹上厲害」這句俗語就是提醒咱講話愛細膩,毋通「一句話三角六尖」,逐句話攞傷著對方。尤其現此時電腦科技遮爾進步,用網路代替馬路,欲揣啥物攞有法度,有的人就想講:「橫直我覷佇電腦後壁,無人知影我是啥人,我就會當想啥講啥,烏白亂講嘛免負責任。」若按呢想,你就錯了。若對方欲共你告,根據你的IP,警察嘛是會共你攞起來,所以佇網路發表言論嘛是愛細膩,毋通亂使來。

阿如:安住老師,聽你的解說,我知影「一句話三角六尖」、「心歹無人知,喙歹上厲害」攞是咧強調烏白講話所造成的傷害,只不過,拄著這種無理的攻擊,我相信當事者一定足受氣,這個時陣,咱應該按怎來共苦勸會較好咧?

安住:阿如,面對別人言語的攻擊,講實在,咱無可能袂受影響,有時陣嘛會想欲共罵倒轉去。毋過你若共唱聲,其實嘛無啥意義,因為對方根本毋是欲來佻你講道理的,而且「相拍無揀位,相罵無揀話」,對方只是想欲用話來傷害你,所以咱若佇網路上佻伊一句來、一句去,拄好中伊的計,你若佻伊諍落去,干焦會浪費家己的時間,甚至有時失覺察,你罵一下傷超過,對方嘛有可能會來告你。這個時陣,不如用咱老祖公的智慧來處理上蓋好。

阿如:安住老師,聽起來你敢若有撇步會當對付『網路酸民』呢?

安住:哈哈!對付『網路酸民』,上好的步數就是「忍他、讓他,不管他」,公道自在人心,

阿如:「路遙知馬力,日久見人心」

安住:就是按呢,咱無需要對別人無負責任的言論,甚至是惡意的攻擊來受氣。好話加減講,歹話莫出喙,就算咱心內感覺真委屈、心情誠穢,猶毋過咱愛有修養,袂當綴伊咧烏白講話。另外,我踹遮嘛欲提醒聽眾朋友,共人鬪洗蓋毋好,尊重包容毋通無。時間的關係,咱就先講到遮,歡迎聽眾朋友,明仔載請繼續收聽咱「巷仔口的臺語」。再會!

阿如:再會!